

TE KURA KAUPAPA MĀORI O WAIRARAPA

TE PŪTĀTARA



MŌHENI #15 WIKI 9, WĀHANGA 2, 2022

TĒNĀ KOUTOU E TE WHĀNAU

Nau mai ki to tātou mōheni tuarua mō te wāhanga nei.
Kaua e wareware ki te tītiro ki te whārangi pukamatā hoki
mō ngā pānui o ia rā, ia wiki anō hoki.

pg.3 HE KŌRERO NĀ TE TUMUAKI

pg.4 TE AHO MATUA

pg.5 HE PĀNUI

pg.6 NGĀ UARATANGA

pg.7-11 NGĀ AKOMANGA:

KURA NOHINOHI 7

KURA TEINA 8

KURA WAENGA 9

WHAREKURA 10-11

pg.12-13 HĀKINAKINA

pg.14 TUTAKI KAIAKO



HE KŌRERO NĀ TE TUMUAKI

Mānawa maiea a Matariki, mānawa maiea te mātahi o tō tātou tau hou - ka nui anō te mihi ki a tātou e te whānau.

E tika ana te mihi ki te katoa i tae mai ki te tautoko i tā tātou kaupapa Matariki i tū i te pūao o te ata o te Rāpare kātahi anō ka hipa ake. He reka te kōrero, he reka te kai, he reka rawa te wairua ki waenganui o te katoa.

A huge mihi to everyone who came and supported our Matariki celebration at dawn on Thursday last week.



Ko te harikoa hoki o a tātou tamariki i tō mātou haerenga ki te whare pikitia ki te mātakitaki i Te Kīngi Raiona - he mea mīharo kia haere tahi mātou ki te mātakitaki i tētahi kiriata i roto i te reo Māori, ā, i tangi hoki ētahi o ngā kaiako nā te ātaahua o te kaupapa rā.

Our tamariki were all happy and excited to go to the movies to watch The Lion King in te reo Māori - what an amazing experience to be able to watch a movie in our reo!

Nāku iti nei
Whaea Pip

Te Aho Matua

*Toku reo, toku ohooho
Toku reo, toku mapihi maurea
Toku reo, toku whakakai marihi*

Te Reo 2.3

He taonga te reo Māori i roto i te Tiriti o Waitangi.
He reo tuturu hoki i roto i te Ture mo te Reo.
Engari kahore he painga o te Tiriti, o t Ture rānei,
mehemea kahore te reo i roto i te whatumanawa, i
roto i te ngakau, i roto hoki i te mangai o te iwi
Māori.



"Ruia te taitea, Kohia te rangiura"

PĀNUI

DATES:

LAST DAY

TERM 2

8/7/2022

**Term 3 is WINTER uniform
please contact the tari if you
have questions about
uniform.**



**HUI WHAKAMANA
FRIDAY 8TH JULY
2PM**


ON AIR

**Hook up to our
frequency e te
whānau!**

KURA 107 FM

Online -

**[https://www.radioking.com
/radio/kura-fm](https://www.radioking.com/radio/kura-fm)**



**MASTERTON
SHUTTLES**

027 961 3973

06 377 1923

RUIA TE TAITEA, KOHIA TE RANGIURA



KURA NOHINOHI

TE PIKO O TE MAHURI, TERA TE TIPU O TE
RAKAU

NAU MAI NGA HUA, NAU MAI NGA PAI, NAU
MAI KIA NUI KIA HAWERE AI.

NGA MIHI MATAKUIKUI KI A KOUTOU E
NGA WHANAU. MEI KORE AKE KOUTOU KA
KORE TE REO ME ONA TIKANGA E ORA
KA NUI NGA MAHI KI ROTO I KURA
NOHINOHI I TENEI WAHANGA.

TOKOWHITU NGA TAMARIKI HOU I TIMATA
I TENEI WAHANGA, I HAERE MAI TE TINI
ME TE MANO KI TE HUI A-AKOMANGA. I
WHAKANUI TATOOU KATO A I A MATARIKI I
TE WIKI KUA HIPA, AUE, TAU KURI E!
KEI TE WHAI TONU TE AKOMANGA I TE
MARAMATAKA ANEI ETAHI TAUPANGA:

HINA
MATATAIORA.

TENA KOUTOU KATO A
MĀNAWATIA A MATARIKI



Nā Whaea Te Arani rātou ko Whaea Tahi ko Whaea Hubba



Kura Teina

KA PU TE RUHA KA HAO TE RANGATAHI



Te Ao 4.6

Kia tupu ngā tamariki hei kaitiaki i ngā painga
huhua o te whenua, o te moana, o ngā ngahere.
Kia mau hoki ki ngā ture tuku iho a ngā matua
tupuna, e pā ana ki te moana, ki te whenua, ki
ngā ngahere.

Kei te ako a kura teina ki ngā āhuatanga o te
maramataka. Ngā rangi pai ki te mahi māra,
me te tiaki i a rātou tipu. I timata mātou te
hanga pouaka, te whakauru paru me te whkatō
i a mātou kākano. Hīkaka rawa mātou te kite i
o mātou tipu. Akuanei ka taea e mātou te
whakatō ki te māra kai nui o te kura.

Nā te akomanga o Whaea Piri me Whaea
Marata



KURA WAENGA



E TATARI ANA MĀTOU



RAWE RAWA ATU TE KIRIATA



HUATA & TE PIKIKŌTUKU

Kei whea mai ngā mahi o tēnei wāhanga! He nui ngā akoranga o Kura Waenga. I ako rātou i te whānau Mārama - te whānau o Tangotango rāua ko Wainui me a rāua tamariki, arā, a Tamanuiterā, Marama, Ngā Whetū, Hinātore, Parikoikoi me Hinerauāmoa. I tirohia hoki e rātou ngā kaupeka o te tau, ā, tae atu hoki ki a Matariki - Ngā mata o te Ariki Tāwhirimātea. I te pūaotanga o te ao huihui ai te whānau whānui ki mua i te mura o te ahi karakia ai me te tuku i te hautapu ki te whakanui i a Matariki. Rawe te kite i te maha o ngā tamariki me ngā mātua i tae mai. E mihi ana hoki ki tētahi kaiako/kaimahi nō mua o tō tātou kura a Huata rāua ko Meikura Arahanga me tā rāua mokopuna a Te Pikikōtuku mō te taenga mai ki te tēnei rangi whakahirahira o tātou. Rawe te kite i a koutou i hoki mai ki te wā kāinga. Ka hoki ngā mahara ki a kōrua tamariki i kuraina ki tō tātou nei kura kaupapa. I te mutunga o ngā mahi ōkawa, ko te parakuihi me te haere ki te whare kiriata ki te mātaki i a Lion King i roto i te reo Māori. Kei runga noa atu!



YEAR 7&8 TECHNOLOGY



MĀNAWATIA A MATARIKI

WHAREKURA

*Te Ao
Ka pū te ruha, ka hao
te rangatahi*


4.4 Kia whai koha ngā tamariki ki a Papatūānuku rāua ko Ranginui me a rāua tamariki e tiaki nei i te hā o ngā moana, o te whenua, o te rangi me o rātau āhuatanga katoa.

Tērā tētahi kōrero ki Te Wairarapa nei; ka tohe a Whiro ki a Tāne kia riro mai ngā kete whatukura kei te toi o ngā rangi. Ka whakahau e Whiro āna tini, ngā namu poto, ngā naonao, ngā rō, ngā peketua, ngā pēpete-nuinui, ngā pekepeke haratua (he ngārara pekepeke ka puta i te mārāma o Mei), ētahi manu, ētahi pekapeka, kia poke i a Tāne. Hauwarea atu ka karanga a Tāne ki ngā hau kia haere mai ka pūrere te Aitanga pēpeke.

Ko ēnei ngā mīharotanga o Rudd Kleinpaste. He tangata matatau ki te ao o Te Aitanga Pēpeke. Kua noho rangatira mātou ki tōna mātauranga kua tākohangia ki a mātou me te haerere ki rō ngahere me te whakamahi i te tāupānga "iNaturalist" te rawe hoki o tēnei. Ka whai wāhi Te Aitanga pēpeke ki ngā kōrero o Rudd mō te orokohanga o te ao me te orangatanga o tō mātou ngāhere mai i Te Aitanga Pēpeke.

Nō reira e te Matua e Rudd kāhore i ārikarika ngā mihi ki a koe!





Kura Tuatahi Hākinakina mō te wāhanga tuatoru 2022

Ball Relay - 17/08/22

Mini Ball Intermediate - TBC (YMCA)

Mini Ball Tau 3/4 - TBC (YMCA)

Have A Go Sports Day - 07/09/22

Inter-Regional Cross-Country - TBC

Tau 7/8 Badminton - TBC

Mini Ball Festival Day - TBC

Tau 5/6, 7/8 Girls Rippa - 16/08/22



***Ka tukuna atu i ngā pepa whakaae i
tēnei wiki.***

Hākinakina Wharekura

TE WIKI HĀKINAKINA

11 - 15 o Hakihea, 2022

**Mā ngā reanga Wharekura
katoa, tau 9-13**

**Wāhi: Ka tū te nuinga o
ngā tākaro ki Taranaki
Mātongatonga, ki Te
Hāwera.**



**Poitarawhiti takirima,
Poitūkohu,
Pā whutupaoro
Kī o Rahi
Hopu Ariki
Hīkoi mō te reo Māori
Pō kanikani**



Tutaki

TAHI HIKITAPUA-MARTIN

TE KAIKO...



Ko Rangitumau me Hikurangi ngā maunga
Ko Kurahaupo me Horouta ngā waka
Ko Ruamahanga me Waiapu ngā awa
Ko Te Ore Ore me Iritekura ngā marae
Ko Ngāti Hamua me Rakairoa ngā hapū
Ko Rangitāne, ko Ngati Kahungunu me
Ngāti Porou ngā iwi



Ko Tahi Hikitapua-Martin tōku ingoa.
He raukura au ō tēnei Kura, nōku te
hōnore ki te hoki mai ki tōku kura
hei kaiako, anō hoki ki te mauria mai
i taku tama ki te ako i konei. Ko
Kaiarahi tāku tama, e 8 āna tau. Kei
te akomanga o Kura Teina ia.

Ko tēnei tōku tau tuatahi hei
kaiako. I tērā tau, ko au tētahi o ngā
kaiawhina. Kei Kura Nohinohi au e
whakaako ana. Ko tōku waimaria
hoki ki te mahi tahi ki ēnei tamariki.



Ngā manaakitanga ki a koutou
katoa!

